

ineunt. Arrepto in Lybiam itinere, improvise adorti, ignique ejaculatione, quorum instructi copia ad id patrandum accesserant, incendunt, piraticamque ea æstate exercendi Lybicus prædonibus facultatem eripiunt. In Pannonia quoque Strigonium septembri mense, irrita exitu, Turcæ oppugnant. At Pesto deditione recepta, audentiores facti, Strigonium rursus corona cingunt. Georgius Bastius, vices Cæsaris obtinens, Mansfeltius, atque alii Germaniæ proceres, quamenibus fortiter dimicant, qua in hostes acriter irrupunt. Duo circiter peditum millia, equites quingenti in Turcarum castra penetrant, ferrea glandium procella cuncta miscent turbantque, strage omnia implent, septingentos cædunt; atque ex suis centum tantummodo desideratis, exuvias hostium reportant: commeatusque inopia, prætorianis impellentibus, Serdar Bassa Strigonio abscedit. Neque feliciter in Dacia a Turcis pugnatum. Betlemum Gaborem, provinciam iis subiecere tentantem, atque ad amnem Themesium castrametantem, incautum Cæsareani profligant, concidunt. Submissos a Temesvari Bassa, de suorum internecione per transfugas admonito, auxiliares, usque Temesvarium insectantur. Illi sublicium pontem a præfecto demitti, ut instanti eripiantur neci, summis vocibus inclamant. Is, ne promiscue irruat hostis, veritus, ex pinnis ac speculis stragem suorum despectat: præda ingens, duodecim militaria signa capta. Ita eo anno in Pannonia ac Dacia bellum gerebatur.

In Italia suspicionibus ac diffidiis laboratum. Cum enim Fuentanus Rhæticum foedus cum Venetis æquo animo pati non posset, tum minis, tum pollicitis ad se eam gentem allicere nitebatur. Itaque commercia cum Insulribus interdixerat, annonam commeatusque præcluserat, arcem prope Vulturenam vallem, proprio indito nomine, excitandam curabat. Altera ex parte ad societatem ineundam incitabat: in eam si coi-
rent, & aditus patefacturum, & annonam præstaturum, & arcem demoliturum. Illius leges duobus præsertim capitibus (uti diximus) continebantur: altero, ut transitum per eorum fines petentibus Hispanis darent; altero, ne, insciis atque inconsultis illis, aliorum copiis permitterent. Atque ut
rudem

1604

*Africana
triremes ab
Heistrucis
incensa.*

*Turcarum
ad
Strigonium
cades.*

*Betlemus
Gabor a
Cæsareanis
profligatus.*

*Arx a
Fuentano
comite prope
Vulturenam
vallem in-
structa.*